

TUSASS MUSICIMIK ATUISUNUT PIUMASAQAATIT

Qujanaq Tusass Musicimut soqutiginninninnut. Tusass Musicimik atuineri piumasaqaatit ataani allasimapput ("**Atuisunut piumasaqaatit**").

1. NASSUIAATIT

Tusass Music	Tusassip appitut neqeroorutaata Androidikkut aamma IOS-ikkut aaneqarlunilu atorreqarsinnaasup pineqartumi Imarisat periarfissaalersippai.
Atuisuuffik	Tusass Musicimik atuisinnaaneq qaammatikkuutaartumik ingerlasuuvoq.
Ulloq atuisuulerfik	Ulloq taanna appikkut Tusass Musicimut atuisutut nalunaarsoruit atuutilissaaq.
Atuisut nalunaarsornerup atuutilerfia	Atuisutut nalunaarsorninniit ullormi tassani atuutilersumik atuisuuffigisaq naatsorsorneqassaaq, apeqqutaanani atuisutut pisinersutit misileeqqaarnermilluunniit toqqaasimanersutit.
Atuisuuffiup piffissami atuuffia	Tusass Musicersinnaanerit ullut 30-kkaarlugit atuuttarpoq, nammineerluni taanna ullut 30-issaanni nutartertarpoq.
Misiliineq	Tusass Musicimik misiliinerup iluani akiliisitsisoqarnaviangilaq.
Atuisutut konto	Tusass Musicimut atuisunngorninnut atatillugu kontotaartissavatsigit. Atuisutut kontonni paasissutissaatitit aamma Imarisanik atuinerit aqqissorsinnaavatit.
Isumaqaatigiissut	Tusass Musicimut atuisuuffinnut atatillugu Tusassimik isumaqaatigiissuteqarnerit atuisunut piumasaqaatit tunngavigalugit suliarineqarpoq qaqugukkulluunniillu nutarterneqartarsinnaalluni, taamatuttaaq aamma inuttut paasissutissanut politikkimut tunngatillugu.
Tusassimut akuersissummik tunniussisut	Tusassip saniatigut Imarisanut piginneqqaartussaataasut, Tusassip isumaqaatigiissuteqarfigisimavai taamaasillutik ilinnut atorreqarsinnaasunngortissinnaalerlugit.

2. TUSASS MUSIC AAMMA ISUMAQAATIGIISSUTEQARNEQ

- 2.1 Tusass Music nipilersukkanik tusarnaagassanik kiffartuussiviuvog nipilersukkat kalaallit Nunatsinnulluunniit arlaatigut attuumassuteqartut suliaat toqqaannartumik tusarnaarneqarsinnaalersillugit, taamatullu aamma assitaat ilanngullugit, soorlu nipilersukkat saqqaat ("**Imarisat**").
- 2.2 Tusass Musicimut atuisunngorniarlutit nalunaaruit atuilerlutillu Tusass A/S-imik, CVR: 17516345, Farip Aqputaa 8, Postboks 1002, 3900 Nuuk, Kalaallit Nunaanniittumik ("**Tusass**", "**uagut**"). isumaqaatigiissummik pituttorsimasumut akuersissuteqassaatit.
- 2.3 Isumaqaatigiissutip imarai atuisutut piumasaqaatit aamma inuttut paasissutissat pillugit politikki.
- 2.4 Tusass Musicimik atuisunngorniarlutit nalunaaruit Isumaqaatigiissutip imarisaanut akuersaassaatit taamatullu Isumaqaatigiissummumut pituttoqqasumut akuersillutit.

3. ATUISUTUT NALUNAARNEQ TUSASS MUSICILLU APPITAANIK ATUINEQ

- 3.1 Tusass Music Appitaata ("App") App Storekkut imalt. Google Playikkut aaneratigut taakkua aqcutigalugit appinik aallernermi, atulersitsinermi aammalu atuinermi piumasaqaataannik akuersissaatit, taakkualu atuarnissaannik innersuuppatsigit.
- 3.2 Tusass Musicimik Imarisaanillu atuniaraanni (i) 18-ileereersimassaait imaluunniit 13-it 17-illu akornanni ukioqarlutit angajoqqaavit taamatulluunniit akisussaasut akuersissutaannik pigisaqassallutit, aappaattut (ii) pituttoqqasumik uatsinnik isumaqatigiissuteqarsimassaait kiisalu (iii) Nunatsinni Danmarkimiluunniit najugaqarlutit. Neriorsuutigissavat paasissutissat Tusassimut immersukatit tunniussatillu eqqortuullutillu tamakkiisuusut, kiisalu atuisuuffiup piffissami atuuffianut naapertuuttuusut.
- 3.3 Tusass Musicimi atuisunngoruit, aningaaserivimmi kontonniit DKK 1.00 akiliisarnissamut aaqqiissutitsinnit inniminnerneqassaaq, aningaaserivimmi kontoppit atuuttuunera qulakkeerniarlugu. Piffissap misiliiffiusup qaangiunnerani Atuisuuffik akilerneqarpat, imaluunniit kingusinnerpaamik inniminniinermit ullut 30-t qaangiuppata, inniminniineq unitsinneqassaaq.
- 3.4 Tusass Musicimik atuisunngoruit atuisutut konto pilersinneqassaaq, tassanilu illit pillutit paasissutissat pisariaqartinneqartut tunniutissavatit. Kontomut iserniaruit mobilivit normua atussavat tassungalu kode uppernarsaataasoq nassiunneqassaaq. Atuisutut kontot uppernarsarniarlugu aaqqiissorsinnaaniarlugulu paasissutissaatitit tassuuna iserfigisinnaassavagut.
- 3.5 Atuisutut kontoit atorneranut illit akisussaasuuvutit, tassunga aamma ilaapput paasissutissaatitit eqqortuunissaannut isertuunnissaannullu qulakkeerinninnissat, taamatullu aamma kodemut tunngatillugu. Appimik atuinermut tunngatillugu isumannaallisaanermik arlaatigut unioqcutitsisoqassagaluarpat tamanna erngertumik uatsinnut nalunaarutigineqassaaq.

4. AKILIINEQ AAMMA MISILIINEQ

- 4.1 Tusass Musicimik atuisunngorniaruit Atuisuuffimmik qaammatikkaarlugit akilerneqartartumik pisissaatit. Atuisuuffimmik akiliineq qaammatit tamaasa siumoortumik pisarpoq, akiliinerli ullormi atuisuuffiup aallartinnerata nalaani pisarluni.
- 4.2 Atuisuuffimmik misiliisoqarsinnaanera periarfissaavoq, taanna piffissaq Tusass Musicimik misiliiffiusoq akiliisitsinertaqanngilaq. Qaqugukkulluunniit piffissaq misiliiffiusoq unitsinnaavarput allangortilluguluunniit. Tamanna immikkut nalunaaqqaanngikkaluarluni pisinnaavoq Tusassimullu kinguneqartitsissutaasinnaanani.
- 4.3 Atuisunngornissamut tunngatillugu piffissamik misiliiffiusumut nalunaaruit akiliutip paasissutissartai allassavatit. Aatsaat taamaasiornikkut misiliineq aallartissinnaavoq, taamaattumik atuisunngornissat aalajangiutissagaluarukku akiliisarneq nammineerisamik aallartissaaq, akiliisitsinerlu ullormi nalunaarninniit atuutilersinneqassalluni. Misiliinerup nalaani atuisunngorusunnginnerit paasigukku piffissap misiliiffiusup atuuffiata naannginnerani atuisuuffimmik taamaatsinerit isumagisariaqarpat.
- 4.4 Piffissap misiliiffiusup qaangiunnerani atuisuuginnarniaruit akiliummit immersukkannit nammineerisamik akiliisarneq aallartissaaq, taannalu qaammatit tamaasa nammineerisamik akiliutinut nususisassaaq. Ulloq atuisutut nalunaarsuiffigisimasat naapertorlugu akiliisitsisarneq pisassaaq. Ulloq atuisunngornermik nalunaarsuiffiit eqqorlugu ullut 30-t qaangiunneratigut akiliisitsisoqartassaaq.

5. NUTARSAANEQ AAMMA TAAMAATITSINEQ

- 5.1 Atuisuuffiit piffissaq atuisuuffiup atuunnerata qaangiuffissaatigit nammineerisamik nutarterneqartassaaq, kisianni atuisuujunnaarnissamik immersuisimaguit tamanna nammineerisamik aamma unikkumaarpoq. Atuisuuffiit ugguauna taamaatissinnaavat: <https://music.tusass.gl>.
- 5.2 Atuisuujunnaarnissamut nalunaarnerit atutilissaq piffissap atuisuuffiusup naanerata aqaguani. Tassangaanniit Tusass Music atorsinnaajunnaassavat. Atuisuujunnaarlutit nalunaarnivit kingorna piffissap atuisuuffiusumut kingullermut akiliininnik utertitsisinnaangilagut, aatsaalli peqqissimisinnaatitaanerup atuunnerani taamaatitsisimaguit utertitsisinnaavugut.

6. PEQQISSIMISINNAATITAANEQ

- 6.1 Tusass Musicimut atuisunngorninniit ullut 14-it qaangiutsinnagit pisisanerit peqqissimissutigilissagaluarukku tungavilersueqqaangikkaluarlutit allanngortitsisinnaavutit akiliutigisimasatillu utertillugit ("**Peqqissimisinnaatitaaneq**").
- 6.2 Peqqissimisinnaatitaaneq Tusass Musicimut atuisuulerninniit ulluni 14-ini tulliuuttuni atuuttarpoq, tassani apeqqutaangilaq Atuisunngorsimaneq imalt. piffissamik misiliiffiusumik atueqqaarsimaneq. Taassuma kingorna peqqissimisinnaatitaaneq atorunnaartarpoq.
- 6.3 Akiliutigisimasannik utertitsinermi akiliut atorsimasat atorlugu akiliutigisimasat utertissavarput.
- 6.4 Peqqissimisinnaatitaanerit atorusukkukku uunga allallutit attaveqassaatit music@tusass.gl, peqqissimisimaninnillu ilisimatitsillutit.

7. TUSASS MUSICIMIK ATUISINNAATITAANEQ AAMMA IMARISAI

- 7.1 Tusass Musicimik Imarisaanillu atuisinnaatippatsigit, tamannali killiligaavoq Imarisat tunniunneqarsinnaanatik ingerlateqqinneqarsinnaanatik ("**Atuisinnaatitaaneq**"). Tusassip Tusass Musicip Imarisai tuniniarsinnaangilai tunniussinnaanagilluunniit. Tusassimut akuersissummik tunniussisut Imarisanut piginneqqaartussaataitaaneq pigiinnarpaat, tassunga apeqqutaangilaq illit atortorissaarutinniilersimanagera, soorlu qarasaasianni, mobilinni, tabletinni, qarasaasiami angallattakkanni, nipiliutini assigisaaniluunniit. Matumuuna neriorsuutigaat akueralugulu Tusass Musicimik atuienerit taamaallaat ilinnut atuutissasoq, ingerlatitseqqisinnaangilatit imarisaanilluunniit allamut atuilutit siammarterillutilluunniit.
- 7.2 Atuisinnaatitaanerit atuutissaaq atuisutut taamaatitsinissavit imalt. Tusassip taamaatitsinissaata tungaanut.
- 7.3 Isumaqatigiissummik akuersinivit avataatigit aamma inatsisit atuuttut avaqqullugit Tusass Musicimut Imarisaanullu arlaannaatigulluunniit atuisinnaatitaangilatit. Tusass Tusass Musicimut Imarisaanullu arlaannaatigulluunniit tunngatillugu pisinnaatitaaffinnik tunniussingilaq, taamaallaat Isumaqatigiissuttip iluani atuuttut iluanni atuisoqarsinnaavoq.
- 7.4 Tusass Musicimik Imarisaanillu atonerluisoqartillugu Tusass pisinnaatitaavoq mianersoqqussallutit aamma/imaluunniit ingerlaannaq atuutilersumik Tusass Musicip siunertaanut ("**Naapertuuttumik atuineq**") tunngavigalugu atuisinnaajunnaarsissallutit imalt. atuisuuffiit matussallugu. Assersuutigalugu ima pisoqarpat:
- (i) Tusass pasitsaassaqaruni Atuisuunerit allanut aamma atortittarit, taamaasillunilu allat Tusass Musicimik atuisutut nalunaarsorsimanatik illit pigisat atorpassuk.
 - (ii) Tusassip atuisunngorniarnarit itigartitsissutigisinnaavaa oqarasuaatit normua atuisunngorniarninnut atoreersimasat atoqqinniaraluarukku. Taamaattoqarnerani Tusassip pasitsaassinnaavaa Peqqissimisinnaatitaanerit periarfissaq atonerlullugu Imarisanut akiliinngikkaluarlutit iserniaqqikkaluarsimasutit.

- (iii) Tusass pasitsaassaqaarsinnaavoq Imarisat akornanni nipilersortartut Tusassimut akuersisummik tunniussisimasut isertitassaat taamaallaat eqqarsaatigalugit aalajangersimasunik appisimaartoqaqattaartoqarneranik.

7.5 Tusass Musicimut Imarisaanullu tunngatillugu isumaqatigiisummik piumasaqatinillu attassisinnaannginneq tunngavigalugu Tusass pisinnaatitaavoq mianersoqqussallutit, erngertumik atuisinnaajunnaarsissallutit imalt. atuisuuffiit matussallugu.

7.6 Suleqatigisat pingajuannut, soorlu open source softwaremut Tusass Musicimut ilaasut suleqatit pingajuannut akuersissutaasunut piumasaqaatit naapertorlugit atorneqaarsinnaatitsipput.

8. AALLERFIGINEQARSINNAASUT ATORTORISSAARUTILLU SULEQATIGISANEERSUT

8.1 Tusass Music ilinnut periarfissaalersinniarlugu appit, nittartakkat allallu kiffartuussissutit suleqatigisat kiisalu atortorissaarutit suleqatigisat pigisaat aqutigalugit Tusass Music aaneqaarsinnaalersinneqarpoq ("**Suleqatigisat aqutigalugit aallersinnaaneq aamma Atortorissaarutit**"). Suleqatigisanit atortorissaarutaannilluunniit iliuuserineqartut aamma taakkua imarisaat periarfissiisutaallu pillugit Tusass akisussaatinneqaarsinnaanngitsoq paasillugulu akuersissutigivat. Suleqatigisat aamma Atortorissaarutaat atorlugit aallersinnaaneq imalt. isumaqatigiisuteqarneq neqerooruteqartarnermilluunniit niueqateqaarsinnaaneq pillugu Tusass matumani Suleqatigisanut atortorissaarutaannullu naleqqussaalluni aaqqiiniansarisinnaanngilaq.

9. TUSASSIMUT PISINNAATITA AFFILIINERIT

9.1 Tusass Musicimik atuinikkut pisinnaatippatsigut nittarsaassinermi imarisanik ussasaarutinillu assigisaanillu takutitsivigisassallutit. Taamatuttaaq aamma pisinnaatippatsigut suleqatigisatta taamaaliorsinnaatinnissaannut.

9.2 Tusassip kiffartuussisarnerninut aamma neqeroorutigisartakkaminik nittarsaassinissaminut suliaqarnerminut atatillugu illit paasissutissaatinnik Tusass Musicimillu atuininnik katersisinaanissaannik akuersivutit. Taakkua suliffeqarfiup iluani taamaallaat atugassaapput.

9.3 Tusass Musicimut Imarisaanullu tunngatillugu isumassarsiat, siunnersuutit uterfiginninnerillu Tusassimut anngussatit isertuussassatut isigineqassanngillat, aamma taamaaliornikkut Tusass pisinnaatissavat anngussavit killeqanngitsumik akueqanngitsumillu atorneqaarsinnaaneranik.

10. PILERSITANIK PIGINNITTUSSAATITAANEQ

10.1 Suulluunniit pilersitanut piginnettussaataffaifiit, taaguutit soqutigisallu Tusass Musicimut attuumassuteqartut, matumani aamma meqqit, kiffartuussissutit meqqii, ilisarnaatit, oqaasinnaat, suliffeqarfiit atii, nittartakkat atii, Tusass Musicimut ilisarnaataasut allat imalt. tassunga ilisarnaatit atorneqartut ("**Tusass Musicimut ilisarnaataasut**") taamaallaat Tusassip Tusassimulluunniit akuersisummik tunniussisup pigaat.

Isumaqatigiisummik akuersinikkut Tusass Musicimut ilisarnaataasunik arlaannaatigulluunniit atuisinnaalersinngilaatit, niuernermut attuumappat niuernerunngikkaluarpuunniit.

10.2 Suulluunniit pilersitanut piginnettussaataffaifiit, taaguutit soqutigisallu Imarisanut attuumassuteqartut, matumani piginneqqaartussaataanerit, meqqit ilisarnaatillu taamaallaat Tusassip Tusassimulluunniit akuersisummik tunniussisup pigaat. Isumaqatigiisummik akuersinikkut Imarisanut arlaannaatigulluunniit atuisinnaalersinngilaatit, niuernermut attuumappat niuernerunngikkaluarpuunniit.

10.3 Isumaqatigiisummi akuersinikkut Tusass Musicimik Imarisaanillu atugaqarlutit pilersitsisinaanissamut, saqqummersitsisinaanissamut, kopersininaanissamut,

tuniniaaqjissinnaanissamut saqqummersitsisinnaanissamulluunniit akuersaanngilatit. Taamaallaat Isumaqatigiissutip iluani illit Tusassillu akornanni isumaqatigiissutaasut allakkatigut pisut atuupput.

11. PIFFISSAQ AAMMA UNITSITSINEQ

- 11.1 Isumaqatigiissut atuutilissaaq ullormi Tusass Musicimut atuisutut nalunaarsorfigisanni, taannalu atuutissaaq piffissaq atuisuuffiup killigititaata tungaanut imaluunniit atuisutut taamaatitsinissavit tungaanut imalt. piumasaqaatini allassimasut naapertorlugit.
- 11.2 Qaqugukkulluunniit Tusass Musicimik atuisuunerit unitsissinnaavat, taamaasiorsinnaavutit Tusass Musicip appitaata peerneratigut unitsinneratigullu.
- 11.3 Qaqugukkulluunniit Isumaqatigiissut piumasaqaatit imm. 5-imiittut naapertorlugit unitsissinnaavat.
- 11.4 Tusassip Atuisuuffiit qaqugukkulluunniit taamaatissinnaavaa peqqutini nalunaarutigeqqaanngikkaluarlugu aamma sioqqusumik ilisimatitseqqaanngikkaluarluni, matumani aamma atuuppoq (i) Isumaqatigiissummik malitsitsisimassanngikkaluaruit; (ii) Tusassip Tusass Musicimik Imarisaanillu atonerluisutut, sianiinaarisutut peqquserluttutulluunniit pasitsaatissagaluarpatit; (iii) Tusassip atuisutut kontot atorlugu unioqquitsininnik pasitsaatissagaluarpatit. Tassunga tunngasut sukumiinerusut imm. 7-imi allaqqapput.
- 11.5 Tusass illit Atuisuuffigisannik taamaatitsissagaluaruni akiliuteqartarnermut tunngatillugu nammineerlutit taamaatitsinittut piumasaqaatit imm. 5-imi allassimasut atuutissapput.

12. AKISUSSAAFFIK AKISUSSAAFFIMILLU ATORUNNAARSITSINEQ

- 12.1 Tusass Music taamaanneratut itsillugu atorsinnaalersinneqarpoq atortuinut, atorsinnaaneranut pissarsiarineqarsinnaanerannullu tunngatillugu qularnaveeqqusigaanani.
- 12.2 Arlaatigut illit Tusass Musicimik atuisutut annasaqarninni Tusass akisussaatinneqassagaluarpat tamanna ukununga killiligaavoq (i) toqqaannangitsumik annaasanik taarsiiviginnittoqarsinnaanngilaq, matumani aamma datanut annaasanut taarsiisoqarsinnaanngilaq, (ii) annaasalli taarsiivigineqarsinnaaneri 1.000 kr-mut killiligaapput; aamma (iii) taamaallaat tamanna piumasarineqarsinnaavoq Tusass mianersuaalliorluni piaaraluniluunniit iliuseqarsimappat.
- 12.3 Siuliini allaqqasut akisussaaneq pillugu malittarisassanik inatsimmik atuuttumik saneqqunneqarsinnaanngitsumut killiligaapput.

13. PISSARSIASSAANERA AAMMA ALLANNGUUTIT

- 13.1 Tusass Musicip sapinngisamik ajunngitsumik atorsinnaanissaa qulakkeerniarlugu atortuinik pioreersunik nutaanillu pitsanngorsaaniarluta, imaluunniit ingerlatsinermut, isumannaallisaanermut inatsiseqarnikkulluunniit tunngasuni pitsanngorsagassaqaartillugu Isumaqatigiissummik allannguutinik suliaqarsinnaasarpugut.
- 13.2 Tamatuma saniatigut Atuisuuffiit atuuttut allanngortinnissaannik taamaatinnissaannilluunniit pinsinnaatitaavugut, matumani akitigut allannguutit piffissallu misiliiiffiusup iluani piumasaqaatinik allannguisinnaalluta.
- 13.3 Isumaqatigiissummut tunngatillugu annertuunik allannguisoqartillugu periuseq naleqquttoq atorlugu ilisimatinneqartarumaarputit, ass. Tusass Music appiatigut nalunaarutisinikkut. Taamaallortoqarneratigut Tusass Musicimik atuiinnerit ingerlakkukku allannguummik akuersisimasutut isigissavatsigit.

13.4 Isumaqatigiissummut tunngatillugu allannguutinik akuersaassanngikkaluaruit Atuisuuffinnik piffissaq eqqorlugu taamaatitsissaatit. Tamanna pissaaq Isumaqatigiissutip nutaap atuutilinnginnerani uunga allallutit music@tusass.gl.

13.5 Tamatuma saniatiguttaa aamma imminut pisinnaatippugut Tusass Musicimik allannguisinnaalluta imaluunniit unitsitsisinnaalluta.

14. INATSISIT AAMMA AALAJANGIISUSSAATITAANEQ

14.1 Tusass Musicimik appitaanillu atuinermi Isumaqatigiissutip iluani atuuttuni saqitsaattoqassagaluarpat isumaqatigiinngittoqarluni taarsiivigeqqusisoqarluniluunniit tamanna Nunatsinni inatsiseqarnikkut Kalaallit Nunaanni Eqqartuussivik aqqutigalugu aalajangerneqassaaq.

15. SAAFFISSAQ

15.1 Tusass Music imalt. Isumaqatigiissut pillugu apeqqutissaqaruit Tusassimi atuisunut sullissivik saaffigisinnaavat:

Tusass A/S

CVR: 17516345

Farip Aqqutaa 8

Postboks 1002

3900 Nuuk

Kalaallit Nunaat

music@tusass.gl.